



Palle Christiansen  
Inatsisartunut ilaasortaq  
/ maani

## Ilinniartunut ininik sanaartornermut aningaasat pillugit § 37 naapertorlugu apeqqummut akissut 2013/138

26-08-2013  
Sags nr. 2013-087746  
Dok. nr. 1313072

Asasara Palle

Aningaasanut inatsisissatut siunnersuummi ilinniartut inaannik sanaartornermut  
aningaasat pillugit apeqqutinnut nassiussarnut qujanaq.

Postboks 1029  
3900 Nuuk  
Tlf: +299 34 50 00  
Fax +299 32 20 73  
Email: iiknn@nanoq.gl  
www.nanoq.gl

Apeqquutit assilineri akissutillu ataaniipput:

- Ilinniartitaanermut, naligiissitaanermut, ilageeqarnermut Kulturimullu Naalakkersuisoq oqarnikuuvoq, kollegialiortiterneq Naalakkersuisut suliaannut pingaartunut ilaasoq. Taavami soormitaavaana 2014-mut Aningaasanut Inatsisissami taamaallaat 15 millioner koruunit kollegialiornissamat immikkoortinneqarsimasut?*

### **Akissut:**

Ilinniartut inaannik sanaartorneq piffissamat sivilisinerusumut isigineqartariaqarpoq, taamaalilluni ukiut missingersuiffiusut naliliineri ilanngunneqassallutik. AIS 14-imi ukiunut marlunnut tulliuttunut katillugit 60 millionit koruunit immikkoortinneqarnikuupput, 2013-imut aningaasanut inatsimmi atuuttumi 2013-imi 37,9 millionit immikkoortinneqarnikuullutik ukiunullu missingersuiffiusunut aningaasanik immikkoortitsisoqarnikuunani.

Tamassuma saniatigut assersuutigalugu uuliamik aatsitassanillu misissueqqissaarnermit immikkut isertitat ilinniartitaanermi sanaartornermut, tassunga ilanngullugit ilinniartut inaannik sanaartornermut, Naalakkersuisut salliutippaat. Tamanna ukiuni siuliini periutsinut naapertuuppoq.

- Suna pissutaava Nuummi kollegialiornissaq pingaartinneqanngimmat, uffa Nuuk nuna tamakkerlugu ilinniartoqarnerpaasoq taamaattumillu kollegianik amingaateqarnerpaasoq?*

### **Akissut:**

AIS 14-imi ukiunut missingersuiffiusunut Nuummi ilinniartut inaannik sanaartornermut 20 mio.kr. aamma immikkoortinneqarnikuupput, tamassumanilu Kujallerpaani ilinniartut inaannik ingutserneqartariaqartunut ilinniartut inaannik pilersitsisinnaanngortitsisoqarpoq.

Tamassuma saniatigut Nuummi blok 1-10-mi inissiat arlallit ilaatigut oqoqarnerat pissutigalugu maannakkut atorneqanngitsut Naalackersuisut iluarsaatitinniarpaat. Iluarsaassinerit taakku ilaatigut kontomi 40.01.08-imi Ilinniartitaanermut pilersaarut kiisalu ilinniartitaanerup immikkut ittumik suliniuteqarfiginera, aningaasat atorlugit iluarsaanneqassapput, iluarsaanneqareernerisalu kingorna ilinniartunut inissiannngortinneqassallutik. Suliniutip taassuma kinguneraa Nuummi ilinniartut inaannik nutaanik 45-t missaanni 2013-ip naanerani pilersitsinissap ilimagineqarnera.

Qulaaniittut tunngavigalugit Naalackersuisut isumaqarput Nuummi ilinniartut inaanni inissat amerlisarniarlugit suliniuteqavittoqartoq.

Inussiarnersumik inuulluaqqusillunga  
Med venlig hilsen



Nick Nielsen